

Polisiamentu Komunitáriu iha Timor-Leste

Desde 2009, Fundasaun Ázia servisu hamutuk ho *Polícia Nacional de Timor-Leste* ba modelu polisiamentu komunitáriu lokál ida ne'ebé relevante no sustentavel iha Timor-Leste hodi halo impaktu ida longu prazu iha paz no seguransa. Programa Apoiu Polisiamentu Komunitáriu implementa hamutuk husi Fundasaun Ázia no Polícia Novazelândia, apoiu husi Ministériu Asuntu Estranjeiru no Koperasaun Novazelândia nian.



Bainhira Timor-Leste hetan independensia iha 2002, prioridade ida husi prioridade importante sira seluk mak atu kria funsionamentu forsa polícia ida hodi ajuda asegura paz, estabilidade, no justisa. Estabelesimentu *Polícia Nacional de Timor-Leste* (PNTL) ezize governu atu tau matan no rezolve obstákulu signifikante sira relaciona ba limitasaun ho esperiênsia, rekursu, no sistema institusionál.

Husi inísiu, governu, hamutuk ho parseiru desenvolvimentu internasionál sira, foku liu ba haforsa situaun ne'ebé hakmatek no seguransa iha Timor-Leste liuhosi aprosimasaun foka ba polisiamentu komunitáriu. Konseitu husi polisiamentu komunitáriu bele signífika buat barak ba ema barak, meske, modelu hotu-hotu fahe foku ida kona-ba tau-matan no rezolve problema seguransa poténsial ka atuál liuhosi relasaun forte entre ofisiál polisia no sidadaun sira.

Polisiamentu komunitáriu ajuda comunidade sira liuhosi prevene disputa no permite hodi responde disputa sira ho konstrutivu, bazeia ba evidénsia sira ne'ebé iha depoisde akontesementu. Polisiamentu komunitáriu ajuda governu liuhosi hadi'ak sira-nia asesu ba informasaun no servisu hamutuk ho comunidade. Polisiamentu komunitáriu ajuda governu liuhosi dezenvolve konfiansa ema nian no kompriensaun instituisaun estadu sira no prosesu aplikasaun lei.

Durante tinan sanulu liu, Fundasaun Ázia

servisu hamutuk ho PNTL hodi apoia desenvolvimentu polisiamentu komunitáriu tuir modelu Timor-Leste nian. Progresu no susesu sira husi implementasaun modelu ne'e mak refleta iha deskobrementu sira iha Fundasaun nia *Levantamentu ba Persepsaun Polisia no Komunitade tinan 2018*.

POLISIAMENTU KOMUNITÁRIU TUIR MODELU TIMOR-LESTE NIAN

Fundasaun Ázia servisu iha dekade liuba hodi apoia desenvolvimentu polisiamentu komunitáriu tuir modelu Timor-Leste iha ona progresu liuhosi pasu no programa sira balun. Desde 2016, Fundasaun parseria ona ho PNTL, Polisia Novazelândia no Ministériu Asuntu Estranjeiru no Koperasaun Novazelândia nian hodi implementa **Programa Apoiu Polisiamentu Komunitáriu (PAPK)**. Programa ne'e apoia implementasaun estabelesimentu modelu polisiamentu komunitáriu iha Timor-Leste laran tomak, konsiste husi:

- **Konsellu Seguransa Munisipál (KSM)**, funsiona iha munisípiu 12 iha Timor-Leste, ho Rejiaun Espesiál Oecusse. KSM representa autoridade aas liu iha polisiamentu komunitáriu fora husi Díli. Konsellu ne'e hala'o enkontru kada fulan haat no lidera husi komandante distritu PNTL no administradór munisípiu sira. Ofisiál sira husi Ministériu relevante, ofisiál PNTL, xefe konsellu polisiamentu



TIMOR-LESTE

54% husi populasaun enjerál no 86% husi lider comunidade hatene termu "polisiamentu komunitáriu"

83% husi sidadaun, 93% husi lider comunidade sira no 95% husi polisia hatete katak sira servisu hamutuk hodi responde problema seguransa iha nivel lokal.

Sidadaun nain 4 husi nain 5 ho Konsellu Polisia Suku (KPK) iha sira-nia comunidade hatete katak KPK efetivu hodi mantein seguransa.

komunitáriu, representante fetu, no parte interesada oi-oín husi governu no sociedade sivil sira mós partisipa. Konsellu ne'e nia papél mak atu prevene no redús konfliktu no krime iha nivél munisípiu liuhosi identifika no servisu kolutivamente hodi responde fonte sira ne'ebé la seguru.

- **Konsellu Polisiamentu Komunitáriu (KPK)**, servisu iha nivél suku. Husi Timor-Leste nia suku 452, liu metade mak iha ona KPK, eziste iha nasaun nia munisípiu no rejiaun sira. Kada konsellu eziste husi ofisiál polisia suku, nune mos membru comunidade. KPK hala'ó enkontru fulan rua dala ida, servisu hanesan parte husi konsellu suku hodi dezenvolve estratejia sira atu prevene no responde preokupasaun seguransa sira.
- **Ofisiál Polisia Suku ka OPS** ne'ebé mak koloka ona iha suku 452 hodi servisu hamutuk ho comunidade atu prevene no responde krime sira. OPS implementa filozofia polisiamentu komunitáriu liuhosi estratejia VIP – Vizibilidade, Involvimentu no Profesionalizmu.
- Dezenvolvimentu enkuadrumentu legál no polítika ne'ebé lao hela ba polisiamentu komunitáriu. PAK fornese apoiu, advokasia, hodi haforsa política fundasaun ho forma polisia ne'ebé foku liu ba comunidade iha nivél hotu-hotu governu nian. Polisiamentu komunitáriu daudaun ne'e rekoñese ho Preambulu Lei Organiku PNLT, Planu Estratejiku PNLT, no lei suku.

Iha faze tinan 2016-2020, PAK foku ba: facilita treinamentu no dezenvolvimentu profesionalizmu, liulu dezenvolvimentu kurrikulu apropriadu ba formasaun; hadi'ak sistema hakerek relatóriu entre PNLT no autoridade sivil sira; no kontinua hodi haforsa enkuadrumentu legál no polítika ba polisiamentu komunitáriu.

MODELU POLISIAMENTU KOMUNITÁRIU NE'EBÉ JUSTU NO INKLUZIVU

Obstákulu boot liu ba modelu polisiamentu komunitáriu mak atu asegura katak ninia prinsípiu no prátika sira bele aplika ho justu no inkluzivu iha nivél hotu-hotu iha forsa polisia no comunidade. Ba PAK, ezijensia ida ne'e foku ba responde violénsia kontra

fetu no labarik (VKFL), liulu violénsia domestika, forma krime dominante liu akontese iha Timor-Leste. Aliende ne'e, PAK rekoñese representasaun fetu iha PNLT no estrutura governu komunal hanesan barreira ida ba igualdade no justisa.

PAK hala'ó servisu atu asegura katak Timor-Leste nia modelu polisiamentu komunitáriu aplika ho justu liuhosi:

- Fornese fundu kiik no forma asisténsia sira seluk hodi haboot grupu seguransa fetu sira nia lian iha estrutura no prosesu sira polisiamentu komunitáriu nian.
- Ajuda autór polisiamentu komunitáriu atu kompriende klean no uza rede hodi refere kazu VKFL.
- Hadi'ak relatóriu KPK no OPS nian kona ba kazu violénsia kontra fetu.
- Dezenvolve no integra modulu apropriadu sira ba formasaun PNLT nian.

PAK hala'ó servisu ho Fundasaun Ázia nia programa Nabilan (Hapara Violénsia Kontra Fetu) hodi haforsa ninia servisu sira VKFL

DESDE ULUK TOO AGORA: DEKADE IDA HODI APOIA POLISIAMENTU KOMUNITÁRIU IHA TIMOR-LESTE

Fundasaun Ázia nia programa primeiru hodi apoia polisiamentu komunitáriu iha Timor-Leste hahu iha tinan 2009, bainhira parseria ne'e forma ho PNLT atu hala'ó projetu pilotu ida - Mitigasaun konfliktu liuhosi Orientasaun Polisiamentu Komunitáriu- hetan fundus husi United States Agency for International Development (USAID) no New Zealand Aid Programme. *Hametin Kooperasaun Hamutuk Polisia ho Komunitade* (HAKOHAK) estabese to'ó Dezembru 2015. Programa ne'e ajuda PNLT atu dezenvolve no hahu implementa ninia modelu ba polisiamentu komunitáriu.

PAK konsolida rezultadu sira kona-ba política no prátika sira polisiamentu komunitáriu nian ne'ebé atinze durante programa HAKOHAK ne'ebé presede tiha ona, no parseiru ninia programa, Programa Polisiamentu Komunitáriu iha Timor-Leste ne'ebé implementa husi Polisia Novazelândia. Fornese tiha tulun hodi estabese polisiamentu komunitáriu tuir modelu Timor-Leste, daudaun ne'e parseiru PAK foku hodi apoiu PNLT hametin abut polisiamentu komunitáriu iha Timor-Leste liuhosi implementasaun nasional.

Fundasaun Ázia nundar organizasaun dezenvolvimentu internasionál labó lukru ne'ebé kometidu hodi hadi'ak moris iha Ázia ida ne'ebé dinamiku no dezenvolve hela. Ho kuartél ne'ebé iha San Francisco, Fundasaun Ázia servisu liuhosi rede ida ba eskritóriu sira iha nasaun 18 iha Ázia no iha Washington, DC. Servisu ho parseiru públiku no parseiru privadu, Fundasaun simu fundus husi grupu oi-oín husi ajénsia dezenvolvimentu bilateral no multilateral, fundasaun, korporasaun, no individu.



HEADQUARTERS

465 California Street, 9th Floor
San Francisco, CA 94104 USA
Tel: (415) 982-4640
sf.general@asiafoundation.org

WASHINGTON, DC

1778 Massachusetts Ave., NW
Suite 815 Washing, D.C. 20036
USA
Tel: (202) 588-9420
dc.general@asiafoundation.org

TIMOR-LESTE

Rua Praia dos Coqueiros
Bebonuk
Dili, Timor-Leste
Tel: (670) 331-3457
timorleste.general@asiafoundati
on.org

www.asiafoundation.org